


IBhayibheli LaBantwana Likulethela

UHezekeli: Indoda Yemibono



Ibhalwe ngu: Edward Hughes

Kwabonakala ngu: Lazarus; Alastair P.

Ifanekiswe ngu: Ruth Klassen

Itolikwe ngu: Goodwill Sithembiso Gwala

Ikhizwe ngu: Bible for Children

www.M1914.org

©2022 Bible for Children, Inc.

iLayisensi: Abantu bangazithathela noma bephrinte izinto kulendaba egunyazwe ngokomthetho kodwa akumele bazidayise.



Kudala, amabutho anamandla ahlasela uJuda,
athumba abantu bakaNkulunkulu abaningi eBhabhiloni.
Kude nasekhaya, la maJuda ayehlala
ngasefuleni iKhebari. Phakathi
kwabo kwakunenceku
kaNkulunkulu,
umprofethi

uHezekeli.



Ngolunye usuku, uNkulunkulu wanika
uHezekeli umbono. Inkazimulo kaNkulunkulu
yabonakala njengokukhanya okukhulu,
isesimweni sezidalwa ezine ezinjengomlilo.
Yilelo nalelo lalinobuso obune namaphiko amane.
Phezu kwazo kwakukhona isihlalo sobukhosi
esihle samasafire, sigcwele ukukhanya
okunjengothingo oluvuthayo.

Lapho uHezekeli
ekubona,
wawa
ngobuso.



UNkulunkulu wakhuluma noHezekeli.

“Ngiyakuthuma kubantwana bakwa-Israyeli, khuluma amazwi ami kubo, ngokuba bayahlubuka.” Kughamuke isandla sibambe umqulu. “Yidlani lo mqulu,” kusho uNkulunkulu, “nihambe, nikhulume kuyo indlu ka-Israyeli.”



Yeka


umyalo oyingaba! Kodwa uHezekeli walalela, wadla umqulu futhi wahamba.



Umoya kaNkulunkulu wamphakamisa uHezekeli wamyisa kumaJuda athunjiwe ayehlala kwenye indawo ngaseMfuleni iKhebari.


Kwaphela izinsuku eziyisikhombisa ehlezi lapho ababehlezi khona, emangazwe yilokho akubonayo. UNkulunkulu wabe esenza uHezekeli waba umlindi.

Kwakufanele axwayise abantu ababi ukuba bayeke



ukungamlaleli uNkulunkulu.





UHezekeli wenza izinto eziningi ezingavamile ukuze enze izwi likaNkulunkulu licace kubantu. Waklwebha isithombe seJerusalema ocezweni lukathayela wobumba. Mhlawumbe abantu bambheka ehlombe ngesikhathi edweba imifanekiso yebutho elinamandla lizungeze iJerusalema. Wayebonisa ukuthi umuzi ongcwele kaNkulunkulu wawuzobhujiswa ngokushesha.




U-Israyeli, umbuso wasenyakatho, akazange
amlalele uNkulunkulu iminyaka engu-390, noJuda,
umbuso waseningizimu, iminyaka engu-40. Kungakho
u-Israyeli wayebhujisiwe futhi kungani uJuda
wayezowa ngokushesha.




UNkulunkulu watshela uHezekeli ukuba
alale ngohlangothi lwakhe lwesobunxele izinsuku
ezingu-390, bese ngohlangothi lwakhe lwesokunene
izinsuku ezingu-40, ukuze akhumbuze abantu
ngeminyaka yabo yesono.




Mhlawumbe abantu base beqala ukucabanga ukuthi uHezekeli uyindoda exakile. Wenza konke uNkulunkulu ayemtshela kona. Ngolunye usuku, waphuca izinwele zakhe futhi washisa ingxenye yesithathu yazo. Lokhu kwakuwukubonisa ukuthi ingxenye yesithathu yabantu baseJerusalema yayizobulawa izifo nendlala lapho ibutho laseBhabhiloni lihlasela umuzi.



UHezekeli wathatha enye ingxenye yesithathu yezinwele zakhe, wayinquma ngenkemba. Lokhu kwakuwukubonisa ukuthi ingxenye yesithathu yabantu yayiyobulawa ngezinkemba zezitha.



Eyesithathu yokugcina, uHezekeli wahlakazeka emoyeni. Kodwa wathunga izinwele ezimbalwa emphethweni wengubo yakhe njengophawu uNkulunkulu wayezogcina abanye abantu Bakhe bephephile futhi ababuyisele ezweni Lesithembiso.







Lo mprofethi onesibindi watshela
amaJuda athunjiwe ukuthi izinto
zaziyoba zimbi nakakhulu,
kungabi ngcono njengoba
babenethemba. Abantu
bamthukuthelela
uHezekeli, kodwa
waqhubeka ekhuluma
iZwi likaNkulunkulu.




Ngolunye usuku, lapho ehlezi nabadala bakwa-Israyeli, uNkulunkulu wanika uHezekeli umbono. Embonweni, uNkulunkulu wamphakamisa ngezinwele zakhe wamyisa ethempelini eJerusalema.




Ethempelini, uNkulunkulu wabonisa uHezekeli izinto ezinwabuzelayo, izilwane ezingcolile, nezithombe. Lezi kwakungafanele ukuba sethempelini likaNkulunkulu.



Abaholi babekhonzwa laba esikhundleni sikaNkulunkulu. UNkulunkulu wabuye wabonisa uHezekeli ukuthi iNkazimulo Yakhe yayizosuka ethempelini futhi liyobhujiswa. Lapho umbono usuphelile, uHezekeli watshela amaJuda ngawo.






Konke uNkulunkulu ayekushilo kwaba yiqiniso.
IJerusalema labhujiswa. Abantu abaningi bafa.
Lapho amaJuda ayethunjelwe eBhabhiloni ekuzwa
lokhu, azibuza ukuthi uNkulunkulu wayebanikele
phakade yini abantu bakhe.




Kodwa uNkulunkulu wanikeza
omunye umlayezo kumprofethi Wakhe.
Waholela uHezekeli esigodini esigcwele
amathambo omile - amathambo abantu.




“Ndodana yomuntu angaphila lamathambo?”
UNkulunkulu wabuza uHezekeli. “O Jehova
Nkulunkulu, wena uyazi,” kuphendula uHezekeli.
Yebo amathambo omile ayengeke aphinde aphilile.




UJehova wathi: "Profetha kulawa mathambo, uthi Nina mathambo omileyo, yizwani izwi likaJehova, niphile." Lapho elalela, uHezekeli wezwa umsindo okhencezayo. Ucabanga ukuthi kubangelwe yini?




Lapho umprofethi ebukele emangele, izidumbu zahlangana ithambo nethambo.




Kwabe sekufika inyama phezu kwabo.




Isikhumba sawasibekela, kepha kwakungekho moya kuwo.



UJehova wathi: "Profetha, ndodana yomuntu, uthi: 'Woza moya, uvele emimoyeni emine, uphefumulele phezu kwawo ukuze aphile.'" UHezekeli wenza kanjalo, kwangena umoya kuwo. Baphila, bema ngezinyawo zabo. Ibutho elikhulu lagcwala isigodi.



UNkulunkulu wayazi ukuthi amaJuda eBhabhiloni ayezizwa ephelelwe ithemba lapho iJerusalema liwa. Wathumela umyalezo ngombono kaHezekeli. "Lawa mathambo ayindlu yonke yakwaIsrayeli," kusho uNkulunkulu. "Ngizofaka uMoya wami kini, nginibeke ezweni lakini."



Yeka umyalezo omkhulu wethemba ovela kuNkulunkulu!
Izithembiso zikaNkulunkulu ngoHezekeli zagcwaliseka
lapho amaJuda kamuva ebuyela ezweni lawo. Bayazi
ukuthi uJehova uNkulunkulu wayebabuyisele ekhaya.



IZwi
likaNkulunkulu
lihlala liyiqiniso.



UHezekeli: Indoda Yemibono

Indaba evela kwiZwi laNkulunkulu, iBhayibheli,

Itholakala

UHezekeli

"Ukwambulwa kwaMazwi Akho kuyakhanyisa."
AmaHubo 119:130



Yaphela



Lendaba yeBhayibheli isitshela ngoNkulunkulu wethu uyisimanga owasidala futhi ofuna ukuthi wena wazane Naye.

UNkulunkulu uyazi ukuthi senze izinto ezimbi, Azibiza ngesono. Isigwebo sesono ukufa, ngokuba uNkulunkulu walithanda izwe kangaka, waze wanikela ngeNdodana Yakhe ezelwe yodwa ukuba izosifela esiphambanweni igwetshelwe izono zethu. UJesu wase evuka ekufeni wanyukela ezulwini ekhaya lakhe! Uma ukholwelwa kuJesu futhi uma Umcela ukuthi akuthethelele izono zakho, Uzokwenza lokho! Uzoza ezophile ngaphakathi kwakho manje, futhi uzophila Naye kuze kube ingunaphakade.

Uma ukholwa ukuthi iqiniso leli, ithi kuNkulunkulu: Nkosi Jesu, Ngiyakholwa ukuthi wena unguNkulunkulu, futhi wehla ezulwini waba inyama ukuze ufele izono zami, wavuka ekufeni usuyaphila futhi. Ngicela ungene empilweni yami ungithethelele izono zami, ukuze ngizokwazi ukuba nempilo entsha, ukuze ngiyokwazi ukuba Nawe kuze kube phakade. Ngisize ukuba ngilalele Wena futhi ngiphilele Wena njengomntwana Wakho. Ameni.

Funda iBhayibheli futhi khuluma noNkulunkulu nsuku zonke! Johane 3:16

